

Te Hiranga Te Reo Rangatira

Tautuhinga Aromatawai ā-Waho 2024

Te Paerewa Paetae	93009
Te Ingoa	Te Hiranga Te Reo Rangatira ki Aotearoa
Te Marautanga	Te Marautanga o Aotearoa
Te Wāhanga Ako	Te Reo Rangatira
Te Tukanga Aromatawai	He Whakamātautau ā-Waho
Te Rā Aromatawai	Tūrei 19 o Noema, 2024
Te Roanga o te Aromatawai	E toru haora

He Kōrero Whakamārama mō Te Hiranga Te Reo Rangatira

E toru haora te roa o tēnei whakamātautau ā-waho, ā, e rua ngā wāhanga e whakamahi ana i ngā pūkenga reo torohū, me ngā pūkenga reo whakaputa o te ākongā.

Ngā Rauemi

Kotahi anake te pukapuka mō tēnei whakamātautau ā-waho. Kei roto hoki i te pukapuka ēnei whakamārama e whai ake nei:

- ngā tohutohu mō ngā wāhanga e rua
- ngā mahi mō ia tūmahi
- ngā whārangi e wātea ana mō te tuinga roa
- tētahi whārangi whakamahere whakaaro.

Te Takotoranga

Te Wāhanga Tuatahi: Te Pānui me te Tuhituhi

Ka whakaatu te ākongā i tōna tohungatanga ki te whakamahi i ōna pūkenga reo torohū (pānui), i ōna pūkenga reo whakaputa hoki (tuinga roa) hei āta whakaō i ngā kaupapa huhua.

Te Tūmahi Tuatahi: He Pānui Aroā

- E rua whārangi te roa o te pānuitanga.
- He reo ā-iwi te momo, ā, he kaupapa e pā ana ki tētahi tikanga, he kaupapa rānei nō te ao Māori.

Te Tūmahi Tuarua: He Tuhinga

- E rima rau kupu te roa o te tuhinga, ā, me tuhi ki te reo Māori anake.
- He tuhinga whai take, he tuhinga tautohe, he tuhinga whakapakepake, he tuhinga whakawhere rānei.
- Me tika te whakamahi i ngā tūāhuatanga o te reo ōkawa me te reo ōpaki.
- Me tika te takoto o ngā kupu, me aro hoki ki ngā āhuatanga katoa o te wetereo.

Te Wāhanga Tuarua: Te Whakarongo me te Kōrero

Ka whakaatu anō te ākongā i tōna tohungatanga ki te whakamahi i ōna pūkenga reo torohū (whakarongo), i ōna pūkenga reo whakaputa hoki (kōrero) hei āta whakaō i ngā kaupapa huhua.

Te Tūmahi Tuatoru: He Mahi Whakarongo (He Pāohotanga)

- Ka toru ngā pāohotanga o te kōrero hei whakarongo mā te ākongā.
- He kōrero tautohe te hanga.
- Ka tukuna te tekau mā rima meneti ki te ākongā ki te whakarāpopoto i te kōrero, ā, me kaha arohaehae, me tīpako hoki te ākongā i ngā whakataua me ngā ariā matua o ngā taha e rua.
- Mā te kaiwhakahaere ngā pukapuka katoa e kohi.

Te Tūmahi Tuawhā: He Kōrero

- He kōrero tene te hanga, ā, e rima meneti te roa o te whakaputa kōrero.
- Ka haere te ākongā ki rūma ke ki te hopu i tōna reo ki te kōpae. Kāore hoki ia e āhei ki te hari pepa, ki te hari rauemi tautoko rānei ki roto i te rūma rā.
- Mā te ākongā anō tētahi kaupapa e āta kōrero mā te kōtuitui i ōna mōhiotanga.
- Ka hopu te kaiwhakahaere i te kōrero tene, ka waitohu ai te ākongā i tana kōpae.